

UMama uthi kufuneka sifudukele komnye umzi
apho kukho izikolo ezingcono khona. Loo nto indenza
lusizi. Oko sahlala noKhulu. Ukuba siyahamba,
isitiya esitsha singangabi sesomlingo. Nam ndizakuba
lilolo. Ndiyoyika.

UKhulu uthi zonke izinambuzane zeNdalo ziyazalwa,
zikhule, zize zihambe. Iintaka zenza kanjalo nazo.
Zifudukela kwiindawo ezifudumeleyo ebusika. Ikati
ejinja engumduka eyayilele kwindawo yethu yesanti
yokudlala abantwana nayo yemka.

Azi ukuba mna ndizakukhula ndibe yintoni na. Ingaba
nam ndizakuhamba? Andifuni mna ukuhamba.

“Jonga, Yusuf!” uKhulu uyakhwaza. Eludongeni, yikati ejinja, isibukele. Iyehla itsibele kwisanti yokudlala abantwana. Izisonga esantini. Ikati yethu engumduka ibuyele ekhaya.

Kuyakulunga ukuba nam ndiyafuduka. Ndingasoloko ndibuyela ekhaya kwisitiya sikaKhulu somlingo.



Ukuhamba

Ibhalwe nguZaheera Jina Asvat • Imizobo nguJulie Smith-Belton

Izimvo eninokuthetha ngazo

UYusuf uhlala nomama nomakhulu wakhe. Uhlala nabani?

Cinga ngotshintsho olukwehleleyo ebomini bakho. Uzive njani ngolu tshintsho ukwenzeka kwalo? Uziva njani ngalo ngoku?

Umfanekiso

Jonga ngononophelo umfanekiso okumaphepha amabini okuqala ebali. Ungafumana:

- ★ iintaka ezintathu
- ★ umbungu
- ★ ibhabhathane?
- ★ izigcawu ezibini
- ★ uphunguphungu

Ukufunda

Eli libali elimalunga notshintsho. Ungalufumana lonke utshintsho olwahlukeneyo uYusuf alubonayo okanye acinga ngalo ebalini?

Ukubhala

Bhala umbongo lowo oonobumba abathile badityaniswayo ukupela igama malunga notshintsho. Qala umgca ngamnye wombongo wakho ngonobumba ovela kwigama "utshintsho", kanje:

U
T
S
H
I
N
T
S
H
O

Ubuchule

Yenza ibhabhathane. Songa uxwebhu phakathi. Peyinta imigca ethile yamachaphaza kwisiqingatha esinye sephepha uze usonge iphepha ukuze ipeyinti ishicilele kwesinye isiqingatha ngokunjalo. Vula iphepha. Xa yomile ipeyinti, zoba umphandle webhabhathane elivule amaphiko kwiphetshana lephepha elipeyintiweyo. Sika imilo yebhabhathane. Ncamathisela indawo ephakathi kwirolu yephepha lendlu yangasese. Faka iimpondo zesilwanyana ezenziwe ngephepha okanye ngeziqhoboshi maphepha.

Ukwenza

- Dlala umjikele wobomi bebhathathane:
1. umbungu ujikeleza igqabi kwaye uyalitya
 2. umbungu usenza uphunguphungu
 3. umbungu phakathi kukaphunguphungu
 4. uphunguphungu eqhekeka evuleka kwaye kuphuma ibhabhathane
 5. ibhabhathane libhabha lijikeleza.